

En pia memoria da

## Tresa Cavegn-Berther, Camischolas/Tujetsch

14. 10. 80 N°. 82

Co mintga veta ei al mund surdada  
sto viver sco la sort ad ell'ei dada  
ei dat in selegrar ed in pitir  
e mintga creatira sto murir.

Ils 19 da settember 1980 annunzia il zenn da s. Vigeli a Sedrun cun tun lamentont la mort da nossa preziada e stimada convischina Tresa Cavegn-Berther, da Camischolas. – La defuncta ei naschida en quella ucliva ils 21 d'uost 1914. Ella fuva la feglia giuvna da 4 buobas e 3 buobs dils geniturs Gion Andriu e Barla Tresa Berther, nata Berther. Il bab ei staus president communal. Alla Tresa hai tuccau bien e baul da segidar cun geniturs e fargliuns. Las entradas fuvan da lezs onns modestas. Ella ei carschida si el mund puril, daventond ina stupenta giuvna. Cun 31 ha ella purschiu il maun al giuven Cristian Cavegn da Rueras, che derivava medemamein d'ina famiglia purila. Niessegner ha schenghiau ad els 5 buobas e 2 buobs. Ina gronda legria per els. Per quels ein els sesacrificai grondamein. – Ils onns vargan cun oraziun, lavur e quita permanent. Ils affons vegnan gronds. Igl ei in grond plascher per la mumma, il bab ed ils fargliuns che lur feglia veglia, Barla, entra 1964 ella claustra dallas soras dominicanas a Glion. Oz porta ella il bi num da sora Brida. Ei legrava ils geniturs da veser tut lur affons en bunas posiziuns.

Las vias dil Segner ein buca las nos-sas. Aschia semischeida legria meins-vart cun tristezia. 1979, entuorn Numnasontga, vegn la Tresa surprida d'ina nauscha malsogna. Consort ed affons han fatg tut il pusseivel per segidar, consultond ils megliers spe-cialists e mond cun la malsauna a



Turitg. Mo las stentas medicinalas ein adumbatten. La malsauna retuorna el spital a Glion. Cheu entscheiva la via dalla crusch. Ils davos 9 meins eis ella schizun stada privada dil plaid. Ina greva crusch. Ina gronda consolazion eis ei stau per ella che sia cara feglia e buna sora Brida fuva per ella ina capavlta tgirunza.

Ils 19 da settember ha Niessegner clamaui sia survienta che veva luvrau e pitiu avunda. Ils 22 da settember han ins surdau la cara defuncta alla tiara benedida el bi santeri a Sedrun. Ina baselgiada ha accumpignau la preziada defuncta a siu davos ruaus. Bein in'enzenna con stimada e carezada ch'ella fuva. Ussa spetga ella la levada. Dieus dumbrä buca ils onns. Avon el peisan mo ils merets ch'han valeta perpetna. Segner, dai alla defuncta il ruaus perpeten e lai sclarir Tia glisch a tut nos cars defuncts! RIP

G.F.